



UNIVERSITÄTS-  
BIBLIOTHEK  
PADERBORN

**Candidatus Abbreviatus Jurisprudentiae Sacrae, Hoc Est,  
Juris Canonici, Secundum Gregorii Papae IX. Libros V.  
Decretalium Explanati Summa, Seu Compendium**

**Pichler, Vitus**

**Augustae Vindel., 1733**

Titulus XV. De Frigidis, & Maleficiatis, & Impotentia coëundi.

---

[urn:nbn:de:hbz:466:1-63462](#)

430 LIB. IV. TITULUS XV.

tationem in contextu c. 7. seq. in fine fundatur  
loquitur de casu, quo quis uxorem patris, adhuc  
viventis, sibi jungere voluit.

14 Quæres, quæ sit pœna incestarum nuptiarum,  
sæu illorum, qui contrahunt, vel contrahere po-  
tius attentant, Matrimonium in gradu consanguini-  
nitatis vel affinitatis prohibito? R. De Jure Ca-  
nonico est excommunicatio latæ sententia, Clem.  
un. h. t. De Jure Ciiali autem, si in Linea Recta  
conjuncti, vel frater cum sorore, ejusque filia  
vel nepre, contrahunt Matrimonium, olim decre-  
ta erat publicatio bonorum & exilium, atque, si  
persona fuit vilis, etiam verberatio. Nov. 12. c.  
1. & inde deducta Auth. incestas nuptias. C. de  
incestis nupt. juncto §. 1. seqq. Inst. de Nupt. De  
Jure Novo Jesephi I. Imper. in Ordinat. Crim. art.  
19. §. 21. incestus inter parentes & liberos, in-  
ter cognatos in primo ac secundo gradu, & in-  
ter affines in primo gradu Lineæ Rectæ pœnagla-  
dii dicitur esse statuta.

TITULUS XV.

De Frigidis, & Maleficiatis, &  
Impotentia coëundi.

SUMMARIUM.

1. Quid sit Impotentia: quinam Frigidi, & Ma-  
leficiati.
2. 3. Qualis Impotentia dirimat Matrimonium,  
& quo Jure.

4. Quæ-

4. Qualiter ob Impotentiam dissolvi possit Matrimonium.
5. Quomodo illa probari debeat ac possit.
6. Quid Juris, si post dissolutum ob Impotentiam Matrimonium appareat, conjuges fuisse potentes.

**A**gitur hic de *Impedimento Impotentiae*, quæ definitur esse vitium vel naturale vel accidentale, impediens coitum; siquidem impotentia generandi, & sterilitas, cuiusmodi datur in senibus, vel aliunde sterilibus, ad coendum tamen potentibus, non est impedimentum Matrimonii, sed solùm potentia *coëundi*, seu inhabilitas ad commixtionem carnalem maris & fœminæ, h. e. ad copulam perfectam, qua vir & mulier una caro efficiuntur: qua impotentia laborant *Frigidi*, h. e. masculi, qui ob defectum caloris nativi vas fœmineum penetrare nequeunt, & *Maleficiati*, qui vel ex maleficio seu ope dæmonis, vel ex malitia hominum, naturali medio id efficientium, sunt inhabiles effecti ad copulam, sive viri sint sive fœminæ. Impotentia coëundi dividitur I. in *Naturalem*, quæ ortum habet ex defectu ipsius naturæ, ut si quis non habeat membra ad copulam necessaria, aut habeat impropotionata, vel fœmina ita sit arcta, ut à viro nullatus penetrari vel semen recipere valeat: & in *Accidentalem*, quæ prôvenit ex accidenti, v. g. ex castratione, qua quis utroque testiculo est mutilatus, quia verum semen non habet, aut ex maleficio dæmonis, vel arte hominis, morbo gravi &c. 2. In *Absolutam*, quæ datur respectu omnium virorum, aut fœminarum: & in *Respectivam*, quæ non

non respectu omnium, sed solum unius vel plurimum personarum datur: sic arctitudo feminæ potest esse solum respectu unius vel alterius viri, aut maleficium respectu unius tantum viri. 3. In *Perpetuam*, quæ nec per artem & media naturalia, nec per spiritualia, orationes, benedictiones &c. nec sine miraculo, aut peccato, aut mortis periculo tolli potest: & in *Temporalem*, quæ sine peccato, periculo vitæ, miraculo, per media naturalia vel spiritualia auferibilis est. 4. *Antecedentem*, quam datur ante Matrimonialem contractum, & *Supervenientem*, quæ primùm post illum oritur.

Dico. 1. Sola impotentia coëundi perpetua & 2. antecedens, sive dein sit naturalis vel accidentalis, sive absoluta vel respectiva, dirimit Matrimonium non solum Jure Positivo, sed etiam Naturali & Divino. Text. & DD. in c. 1. seqq. & c. 6. b. t. Ratio est, quia ad essentiam Matrimonii spectat mōdere jus, saltem radicale, ad usum corporis & copulam conjugalem juxta communem omnium fons, fundatum in illo *Gen. 2. Erunt duo in carnina*: sed tale jus tradi non potest, ubi corpora ad copulam antecedenter & perpetuo sunt inhibita: ergo.

*Objic.* 1. Finis principalis Matrimonii est generatio prolixi: sed iste finis cessat in illis, qui laborant impotentia generandi, uti sunt vienes &c. ergo etiam impotentia generandi, & non tantum impotentia coëundi, est impedimentum dirimens Matrimonii. 2. Matrimonium non facit concubitus, sed consensus: ergo non obstante impotentia ad concubitum subsisteret Matrimonium. 3. Matrimonium inter perpendiculariter.

impotentes parit aliquam obligationem, ut  
nempe cum tali impotentia contrahentes debe-  
ant cohabitare tanquam fratres & sorores. c. 4.  
& s. h. t. atque inter illos dicitur dari *retinacu-  
lum conjugale*. can. 2. caus. 33. q. 1. ergo valeat  
tale Matrimonium. 4. Potentia ad copulam est  
de substantia Matrimonii, ut videmur dicere: er-  
go, si impotentia superveniat, perit & dissolvitur  
Matrimonium jam *contractum*. R. ad 1. *dist.*  
*min.* iste finis cessat per accidens. C. *mi.* per se *N.*  
*min.* Si vir seniō jam ita esset debilitatus, ut nec  
arte Medica adjutus posset semen vel saltem par-  
tem seminis, ut ut sterilis, in *vas fœminæ* immit-  
tere, vel vetula ita esset disposita, ut nec partem  
seminis virilis recipere valeret (si retinere non  
posset, nihil obstaret) tunc etiam dicimus inhabi-  
les esse ad Matrimonium. Ad 2. Matrimonium non  
quidem facit concubitus, facit tamen consensus,  
quo traditur jus, saltem radicale & remotum, cor-  
porum physicè habilium ad copulam. Ad 3. *N.*  
*ant.* licet enim c. 4. & c. 5. h. t. permittatur coha-  
bitatio instar fratum & sororum, non tamen præ-  
cipitur, saltem si cum ignorantia impotentiae con-  
traxerunt, imò multi cum Sanch. valde probabiliter  
nec scienter contrahentes ad taliter cohabitandum  
obligant. In *can. 2. cit.* per *retinaculum conjugale* intelligitur vinculum putativum, quia dicitur in  
potestate contrahentium esse illud dissolvere: ve-  
rum autem vinculum Matrimoniale dissolvere in  
potestate hominis non est. Ad 4. *dist. ant.* est  
de substantia Matrimonii in fieri. C. *ant.* in facto  
esse, & postquam validè jam contractum est Ma-  
trimonium. *N. ant.* & *conf.* Nullum impedimentum

Pars II.

E e

di-

dirimens, quod supérvenit Matrimonio, istud dicitur solvit, quamvis quodlibet dirimat contrahendum.

Dico 2. Quamvis conjuges deprehensò impotentiæ impedimentò possint reclamare, & separationem petere, nisi velint cohabitare instans & sororis. 2. Et quidem quocunque tempore voluerint. 3. Propria tamen auctoritate separationem instituere nequeunt, sed opus est auctoritate Judicis Ecclesiastici. 4. Et prævia probatione legitima impotentia. Pars 1, constat ex c. 5. h. t. Pars 2, ex c. 6. & fin. eod. his tamen contrariari videtur c. 1. eod. & ibi Glossa, ubi feminæ, primùm post sesqui annum allégens impotentiam viri, dicitur non amplius audienda, licet audiri deberet, si statim, nempe post unum vel alterum mensem allegaret. Sed hæc antilogia evitatur dicendo, quod, quando uterque conjugus fatetur vel alléget impotentiam, semper id possit: si vero unus tantum alléget, alter negat, tunc statim debet allegare, si indicia impotentia sint dubia: si vero hæc sint certa, aut valde verisimilia, tunc semper audiri debet. Pars 3. ex c. 3. de divorcio. propter periculum scandali, & peccati, nemere dissolutô Matrimoniô aliud contrahatur invalidè, & sic in perpetuis vivatur adulteriis. Unde nec utriusque conjugi, impotentiam alleganti ac fatenti, etiam sub juramento, creditur, quia possit contingere, ut mutuæ cohabitationis pertinaciter prætenderent falsò impotentiam. Pars 4. ex c. 1. tit. & ex primùm adducta ratione. Adde, quod pro Matrimonio semel contracto stet præsumptio Juris, item possessio, ac insuper causa Matrimonii sit favorabilis: proin ad illud dissolvendum.

qui-

quiritur probatio impotentiae plena & con-  
cludens.

Quæres, quomodo probari possit ac debeat  
impotentia, ut Judex declareret, Matrimonium, se-  
mel contractum, non valere, & separare valeat  
conjuges putatios? R. 1. Per inspectionem cor-  
porum (si aliunde sciri nequeat) faciendam apud  
viros à Medicis & Chirurgis, saltem duobus, fide  
dignis, & in arte expertis; apud fœminas vero  
ab obstetricibus, vel aliis honestis matronis, sal-  
tem duabus, fide dignis, & in arte vel opere nu-  
ptiali expertis. Text, & DD. in c. 6. & fin. citt. c.  
4. c. penult, de probat. Neque his viris aut fœmi-  
nis creditur, nisi sub juramento affirmantibus vel  
negantibus impotentiam. per c. 51. de testib. R. 2.  
Si per inspectionem innotescant indicia certa im-  
potentiae, Matrimonium statim pro nullo decla-  
randum est. R. 3. Si deprehendantur indicia  
valde verisimilia, h. e. quasi moraliter certa, ita ut  
pro potentia non militet probabilis ratio, tunc  
conjugibus est deferendum juramentum scientia,  
quo asserant se copulam habere non posse, & si-  
mul septimæ manus consanguineorum, h. e. se-  
piem consanguineis (vel in horum defectu septem  
vicinis, aut, si tot haberi nequeant, saltem duo-  
bus vel tribus) juramentum credulitatis, quo affir-  
ment, se omnino credere, quod conjuges verum  
jacent. Et tunc Matrimonium rursus statim est  
pronuntiandum nullum. c. 5. b. t. Sanch. l. 7. d. 107.  
n. 4. & c. & alii. R. 4. Si ex inspectione, vel  
alia probatione, detegantur indicia solùm pro-  
babilis, & sic impotentia sit verè dubia, tunc non  
statim dissolvendum est Matrimonium, sed in-

jungendum conjugibus integrum triennium, i copula attentata continuandum, ad explorandam potentiam vel impotentiam: quo elapsi necdum habeatur certitudo, uterque tamen affirat impotentiam, rursus & conjugibus & sepimæ manui deferendum est juramentum, de quo suprà: præstito autem utroque juramento Matrimonium est annullandum. Text. & DD. in c. 5. b. c. fin. citt. Quòd si verò una tantum pars elapsi trienni neget juratò, toto tempore, licet conti sint, saltem aliquoties intra hebdomadem, copulam perficere se potuisse, altera autem affirmet copulam, credendum est affirmanti, & per valore Matrimonii pronuntiandum. per c. fin. de sent. & re jud. c. 65. de R. J. in 6. quia prævalit favor Matrimonii, & posseffio. Nec objicias fœmina neget copulam, & per inspectionem matronarum deprehendatur adhuc esse virgo, interi certitudinem impotentiae, consequenter feminæ copulam neganti potius credendum, & pronuntiandum contra Matrimonium; quia oculi obstetricum potest falli. c. penult. de probat. Et Paulus Zacchias præstantissimus Medicus negat, certi deprehendi posse virginitatem ex inspectione.

Dico 3. Casu quo Matrimonium ob impotentiam, legitimè probatam in Judicio, est disolutum, postea verò appareat, conjuges fuisse patientes, ed quòd forti fornicentur, vel in aliis Matrimonio, postea contracto, prolem generari, &c. regulariter restaurandum est, dissoluto alio, quod forti secutum est. Communis & certa ex c. 5. & 6. h. t. Neque sententia contra Matrimonium lata unquam transit in rem judicii.

tam. c. 7. de sent. & re jud. Dixi regulariter;  
nam restaurandum non est 1. si impotentia per  
peccatum, aut per miraculum, est sublata, quia  
tunc fuit perpetua. 2. Si fuit respectiva, nempe  
respectu prioris conjugis, non verò respectu  
aliorum vel aliarum. 3. Si pars separata Reli-  
gionem professa sit, supposito nempe, quod Ma-  
trimonium revera nunquam consummatum fuerit.

## TITULUS XVI.

### De Matrimonio contracto contra Interdictum Ecclesiae.

#### SUMMARIUM.

1. Per Interdictum Ecclesiae quid hic intelligatur.
2. Quinam Matrimonium interdicere possint.
3. Tempore feriato non interdicitur à Jure ipsum  
Matrimonium, sed nuptia tantum.
4. Quinam possint dispensare in Impedimentis Im-  
pedientibus.
5. 6. Quinam & in quibus Impedimentis Dirimen-  
tibus.
7. A quo tribunal Romano petenda sit dispen-  
satio.
8. 9. Quid eam potentibus, & exequentibus ob-  
servandum sit.
10. Nullitas Matrimonii vel est ex defectu con-  
sensus, vel ex alio Impedimento.
11. Quomodo restaurari possit, si fuit nul-  
lum